

Число 12.

Ужгород. листопада 1922.

Роцник II

# БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ



# ПОДКАРПАТСКІЙ БАНК в УЖГОРОДѢ

ПЛОЩАДЬ МАСАРИКА 11.

ОСНОВНЫЙ КАПИТАЛ 5.000.000 К.


ФІЛІЮ МАЕТ ВЪ АМЕРИЦѢ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВѢ Головна улиця (дом Мукачія) В ЯСѢНЮ,  
а також В СОЛОТВИНѢ, В МИХАЛОВЦЯХ И В ХУСТѢ.

ТЕЛЕФОН:

№ 47.



Чек конт. почт. щади.

№ 2978.

## ЦѢЛЬ БАНКА:

- Матеріально и морально подирати наш бѣдный руській народ.
- Пріобрѣти матеріальну независимость для Подкарпатской Руси.
- Обезпечити богатство (скарбы, сокровища) Карпатов для всѣх наших Русинов.

Вообще заниматься будет банк всѣми дѣлами и вопросами, которыми тысячами народа можно обеспечити роботу, заробок и добробытіе.

Особливо заниматься будет наш банк Дисконтацію вексликов, веденіем течущих рахунков, позичок вкладами, закупом товаров, промыслом, торговлею, господарством, поставленіем фабрик и заводов.

## РУСИНЫ АМЕРИКАНЦЫ УВАЖАЙТЕ!

Наш банк переведе вам найдешевше вамъну долларов, драфтов и чеков. ЗА ВКЛАДКИ І ПЛАТИТЬ БАНК 4%. У всяких финансовых (грошевых), господарских вопросах, кто ся до нас оберне ОТПОВѢМЕ БЕЗПЛАТНО

## ПОДКАРПАТСКІИ РУСИНЫ!

Подпирайте свой одинокій руський банк, свою власну інституцію,



Се ваша слава, честь и будущность.



УПРАВА ПОДКАРПАТСКОГО БАНКА.

Число 12.

Ужгород, десембра 1922.

Роцник II

# ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в мѣсяць.

АДРЕС:  
редакції и експедиції:  
REDAKCIJA „VLAHOVISTNIK“  
Užhorod, Kapitulska, 3.

ПРЕДПЛАТА:

на рок ..... 10 К  
одно число .... 1 К  
За границу .... 15 К  
До Америки 25 с (1/4 Д)

ОБЯВЛЕНИЯ

принимаются по цѣнѣ  
за 1 сторону .. 120 К  
за 1/2 сторону.. 75 К  
за 1/4 сторону .. 50 К

РЕДАКТОР-ИЗДАТЕЛЬ:  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:  
ЕМИЛІЯН БОКШАЙ.

## Умертвляймсѧ.

Люде теперь даже нетерпеливѣ, скоро розгнѣва-  
ютъся, легко осудять других и нарѣкаютъ и на самого  
Бога. Найменша прикрость и незгода выводить их из  
ровноваги и приводить до скарги ненависти.

Так легко уничтожаеся теперь межи людьми по-  
розумѣніе и любов, як бы сесѣ честности жадноѣ вар-  
тости не мали.

И прочто е то так? Прото, ибо люде не знаютъ  
умертвлятисѧ, ибо никто не выховае дѣтей для умерт-  
леня.

Сie слово изовсѣм и забылося у нас, не хочеме  
знати, что то значить: умертвлятисѧ, даже мерзить  
нас и самое слово: умертвленье и кажеме, что то лиш  
монахам и монахиням потрѣбно!

Забываеме слово Спасителя, что: „аще кто хоچетъ  
по мяктии, да отвергнется себѣ и возметъ крестъ свой, и  
по мнѣ грядетъ“ (Мар. 24.)

И так не лиш монах, або священник, но кождый  
христіянин, который хоче за Христом ити, най отвер-  
жеся; кождый повинен взять крест свой и терпѣти  
тому.

Або свѣту и тѣлу хочеме жити и служити, або душѣ и Богови. И коли отвержемеся од свѣта, коли противостанеме тѣлу и оддамеся Богови, тогды вже умертвляемеся, т. е. умераеме для свѣта и родимеся для честности.

Се е первый крок, се е порог, котрый має переступити кождый, что хоче жити духовно, по заповѣдям Божім.

Без умертвленя не душа буде нас водити и нам розказовати, но низкѣ пристрасти и тогды не будеме свободнѣ, не будеме достойнѣ и на то, чтобы чоловѣком называтися.

Кто также не хоче умертвлятися, тот не хоче запановати над своими низкими пристрастями.

Мы повинни не лиш боротися против сих низких пожадливостей, но и изовсѣм выкореняти их.

Если напр. дакто вдоволяється своим маєтком, котрое ему дав Бог и не сягає ани гадкою за майном чужим — то вже умертвляє себе, ибо противостає искушениям зависти и бажаню, что до земных богатств. Еще совершеннѣйше буде умертвлятися тот, котрый роздає свой маєток убогим або на Божу цѣль. Такое умертвленье має бользо вартости, ибо изовсѣм уничтожає в себѣ жадобу до земных благ.

Кого напр. напой тягне ко грѣху, и он противостане искушенію, сей вже умертвляється; а если совершеннѣйшое, цѣннѣйшое умертвленье хоче, тогда изовсѣм одрѣкається од всяких напитков.

Се вже велика добродѣтель, мила пред Богом.

Не е потрѣбно, чтобы кождый нараз совершенному умертвленю оддавався, т. е. чтобы зараз одрѣкався од всего — розумѣється дозволенного — до чого наклонює его природа. Но то вже кождому христіянину

Рок 1922

„БЛАГОВІСТНИК“

Сторона 3.

нови потрѣбно е, чтобы постепенно умертвляв въ собѣ злѣ наклонности и чтобы быв готов стратити все, если бы то Бог од него пожадав.

Такое умертвленье треба начинати в дробных рѣчах, треба начинати вже в молодых вѣках. Если дѣтину не научите на то, чтобы знала одказатися од малых пріемностей (пост, робота, прислушность, и пр.), тогда як выросте, не буде знати противостати искушенніям, не буде знати противостати искушенніям, не буде знати терпеливо зносити свой крест.

Каждый день нашего житя дае нам много нагод до такого умертвленя. Лиш треба знати выкорыстати и на хосен души обернути. Так обролена душа не буде слаба в минутах испытань, не поддастся легко под тягаром, который нам каждым Бог насилае.



## Что добре дѣлае Христова Церков?

Христос основав одно товариство; наибольшое, что колись существовало на свѣтѣ. Членом котрого товариства суть всѣ покрещенѣ люде, котрѣ правдиву Христову вѣру исповѣдують и стоять под управлением головного пастыря, римского Отца;

число сих около 300 миллионов. Товариство сie называе ся Церковю Христа.

Прочто, на яку цѣль основав Христос сie товариство? Ци потребно людям чтобы на свѣтѣ было такое товариство?

1. Даќде, далеко в Китаю меже поганами жie оден чоловѣк, который добрѣ знае, что смертю чоловѣка не кончить ся все, и что по смерти мае быти оден живот, лучшій от живота сего свѣтного. И як став старшим все горячійше желав зайти у tot блаженый край, что по смерти чекае на чоловѣка. Айбо не шав, як може там зайти, что мае дѣлати.

Раз лиш познакомив ся с одnym священиком — миссіонаром. При разговорѣ с ним наш поганин щиро разповѣв священикови свой великій жаль и смуток. Священик утѣшив его и казав: „Будь спокойный, я подам ти отвѣт на твой вопрос и укажу ти путь у царство небесное. И от сего часу священик и поганин, як колись Іисус и Никодим часто сидѣли виедно и говорили о вѣрѣ христіянской. Священик передовсѣм потолковав ему, что мае вѣровати, поясняв ему одинокѣ члены „Вѣрую“, потому Х. Божѣ заповѣди. Коли все уже знал, тогда священик повюв его до церкви и покрестив его, а по крещенію выдѣлив ему и тайну св. миропомазанія и под час службы и св. Причащеніе. О як блищали очи нового члена христовой Церкви, як клопкало из радости его сердце! — Айбо сим еще не скончилося дѣло; священик не оставил своего нового Христіянина, и дальше уважав на него, повѣдав ему колько раз и коли должен сповѣдати са и причащати ся, якъ книжки мае читати и коли постити. Словом проводив его аж до ворот царства небесного, до смертельной постели. — На смертельной постели еще раз пріяв св. Тайну покаянія, побожно причавщав ся и помазан быв св. елеем. Хворый под тым часом спокойно лежав на постели, спокойно як оден святый. Знав что его туземного житя недовга конец буде, айбо и то знал, что он ходив на добрїй дорозѣ, котра веде до небесной счастливости. И коли уже приближала ся послѣдна година, хворый с невысказаемою радостю казав: „О Боже як я тебѣ дякую, что я стрѣтив ся с каѳолическою Церквою! О як тебѣ дякую, что есть одна каѳол, Церков.

2. Житя сего чоловѣка отвѣт нам на тот вопрос прочто Христос основав каѳолическу Церков. Много миллинов людей

Рок 1922.

„БЛАГОВѢСТНИК“

Сторона 5.

повела веде и вести буде она подобным способом до радостного, вѣчного житя. За се основав Христос свою Церков: всѣх людей до вѣчной счастливости проводити.

Сю повинность она здѣлає передовсѣм через учениє. Як той миссіонар научав того поганина на вѣру и на заповѣди Божѣ, так учитъ св. мати Церков весь свѣт, что треба вѣровати и як жити по християнски.

Той миссіонар кромъ ученія выдѣлив и святѣ тайны тому поганинови. Св. крещеніе, миропомазаніе. Се робить и днесь Христова Церков через своих священиков. Бо Христос не только то казав апостолам: „Научите вся языки“, айбо и то, „крестяще ихъ въ имя Отца и Сына и св. Духа“.

Но як видѣли'сме той миссіонар як добрый пастырь и дальше не оставив своего вѣрника; приказав ему коли должен сповѣдати ся, якъ книжки читати, коли постити, коротко як ему справовати ся. Само то робив, что робить днесь св. каѳолическа Церков; и она выдає розказы коли сповѣдати ся, коли постити, якъ газети, книжки не свободно читати, словом она управляє своими вѣрниками.


Сіе есть также призначеніе и дѣятельность св. Церкви. И если мы близше посмотриме сіе дѣло, увидиме, что св. мати Церков нѣ иного не робить, як то что робив колись Іисус Христос. Он пришов, чтобы людям отворити царство небесное и их туда завести. Но понеже он только за три роки жив меже людми, а людей буде до конца свѣта, зато он продолжати хотѣв зачату роботу и основав Церков каѳолическу, котра доконца свѣта має учити людей, им св. тайны выдѣляти и ними управляти. Зато называють каѳ. Церков „на земли дальше живучим Христом.“

3. Святое дѣло также Христово: спасати людей, приняла на себе каѳол. Церков. Тысячи священиков проповѣдуютъ не только в церквах и школах христіянских краев, но и меже поганами Азіи, Африки и Америки. Колько трудов, терпѣнїй, голоду, жур, студени и спеки значить сеся должностъ. Но св. Церков не отстрашає ся. Сотки священиков умераютъ рочно в диких краинах от непріемностей природы и лютости людей. Но св. Церков не отступає. Христос приказав, и св. церков повинує ся. Подобною вѣрностю испольняє св. Церков и меже христіянами свою повинность. Думайме лиш на великъ труд-

ности сповѣданія; не раз должен священик ночю встati и спѣшити до тяжко хворого на далекое мѣсто.

Сим св. Церков неотмѣнно заслужить, чтобы еѣ люди честовали и на высоко цѣнили. Христос окрем сего и то пожадае, чтобы еѣ слухали. „Кто Церков не слухае, той поганин, або явный грѣшник“ казав Христос. А кто — як шизматики творять — выступить из Христовой Церкви тот по словам Іисуса Христа „отметает ся от самого Христа“.

Зато великое наше счастья, что нас не здурили подплаченъ діяволскѣ агитаторы и не выступилисме из Церкви Христовой. Противно, маеме причину широко радовати ся что принадлежаем до той Церкви, котра основана Христом для спасенія всѣх людей. В ней найдеме наше вѣчное блаженство, без неѣ и против неї вѣчну погибель.



**Великѣ Лучки.** Было то славное село даcoli. Лучанскѣ краснѣ процесіи, мелодичнѣ пѣсни; нравственность и богообойность гр. каѳ. народа лучанского были колись известными пред цѣлым жительством Подкарп. Руси. Но славнѣ бывало Лучки не порозумѣли понятіе свободы. Из чого другѣ користати звыкли, — як то свобода, — то Лучкам дуже пошкодило. Значенiem свободы есть: чтобы в демократичной державѣ кождый гражданин найшов свои права и оборону тых законов, на которых держава сбудовалася. Иншак то в Лучках! Там от г. 1920. аж до сего дня свободою зовеся: террор, бунт, насилие,

Рок 1922.

,БЛАГОВѢСТИК“

Сторона 7.

грабеж, беззаконіе и т. д., на только, что уже и один член  
чсл. жандармеріи выповѣсти мусѣв: „остатный то большевизм,  
что в Лучках дѣсѧ!“

Ужгород отцевским словом напоминав Лучки, чтобы не  
впустилися в насильствія и грабежи, но кедъ дакому от Рима  
голова болит, най отлучится спокойно и иде своим путем.

Але все то надаремно! Гагатко, Чволь и тов. большого  
довѣрія удостоилися, як верхность церковна, котра лучанов от  
страшно великих правотных выдатков спасти хотѣла!

И что могло по сему слѣдовати?

Лучане, котръ с пястями, кам'нями и другими „право-  
славными“ средствами „роспространялися“, походили Берегаса,:  
„ги чтось мало сидѣти“... — Староста же и 188 „товареши“,  
як отвѣтчики, подверглися репозиційным процессам, а то 1.) с  
взором обграбленной гр. кат. церкви, 2.) гр. ка. приходского  
дома, церк. земел, школ и т. д.

Что касається 1. точки: отвѣтчики на окруж. судѣ и судо-  
вой столици утратили право; дѣло стоит сим часом под реви-  
зію найвишого суда в Брнѣ и нѣт сомнѣнія, что реституція  
(нагороженіс) гр. каїоликов у скорій час має быти переведенна.  
Выдатки сей точки, як мы увѣдомлены, превысшают сумму полу-  
милліона кор.

Что до 2. точки: окруж. суд в Мукачевѣ своим прису-  
дом с дня 17. XI. с г. с наложеніем 1000 К. карного на каж-  
дого отвѣтчика (совокупно 189), обязав их, недвижимости всѣ  
в продолженіи 3 дней без огляда на внесенную апелляцію пе-  
редати в спокойное владѣніе гр. каїоликов. Правотнѣ выдатки  
сей 2. точки: 60,000 К.

Так чувати, что староста и товареши тут уже и не по-  
дали апелляцію, видят бо (доста поздно), что всягды и все  
утратили.

Се — любѣ читателѣ — таку чорну поливку наварив  
староста лучанскій с 188 товаришами изведенным, невинным  
жителям сего даколи славного села!

А Лучки еще и теперь не пробудилися и не истрясли из  
себе Фельди-Чвольовское ярмо.

Недалеко час, коли заплатити треба цѣну поливки! Тогда  
неотмѣнно пробудятся... (A.)

**Что то езуиты?** Часто читати в шизматико-московофильских газетах о езуитах. Не е такой злости, нема такого злочина на свѣтѣ на чю они—по их мнѣнїю—не были бы готовѣ. От езуита нема горшого чоловѣка. Ци так ото є?

Езуиты суть монахи-каѳолики латинского обряда; основателем сего чина оден лицар испанскій Игнатій Лойола, кто в одной битвѣ коло Пампелоны поранен, в шпиталѣ читавши житя святых, рѣшив основати оден монашескій чин от имени Іисуса на славу и розширеніе католицкой Церкви. Се было 1534. рока. Одобрав сесь чин папа Павел III. Члены должны относитися совершеным послушенством к папѣ римскому и пріобрѣсти як можно вѣлику ученость так в Божіих, як в свѣтских науках.

Одна часть свѣта невысказано любить и хвалить езуитов, друга с повною ненавистю относиться к ним. Котрѣ его люблять знаютъ, что езуиты от початку неутомлено пращаютъ на добробытю Церкви, першѣ суть в науках Божіих и в веденію душ, там суть в церквах, в всѣх родах школ, найбельшѣ добродѣтельѣ отечества и найсмѣлѣйшѣ проповѣдники Христовой вѣры в чужинѣ, меже дикими людьми. Непріятелѣ численѣ же выдумаютъ на них всякѣ клеветы, навѣть и злочины, котрѣ они николи не зробили.

Непріятелями их суть самѣ тоты, котрѣ суть и Христа, и Христовой Церкви: анархисты, безбожники, соціалисты. Не чудно зато, что до сих непріятелей прилучилися и наши шизматики. Де Христову Церков и еѣ оборонцев бити треба, де бы хибив оттам шизматик?!

Хвала Богу, что наша Церков таких защитников має, як езуиты. И хвала Богу, что и на Подк. Руси появилися езуигами реформованѣ монахи: Василіяне. Ними начинається нова доба нашей вѣры: свѣдома христіянска жизнь і слава нашей греко-католицкой вѣры.

**Что то большевизм?** Ленин казав, что слово „большевик“ походить от того, „что мы на Брюсел-Лондонской конференціи г. 1903. большинство мали“.

Напротив сего до тепер доказано, что большевизм есть анархизм. Он воює против всякой Божой и свѣтской власти. Только „большевикам“ вольно пановати.

Большевизм есть комунізм. Приватного маєтка нема;

Рок 1922.

„БЛАГОВІСТНИК“

Сторона 9.


только село, держава годна засѣдати маєток. Сей пункт большевизма противиться 7. и 10. заповѣдям Божіим.

Большевизм есть *антихристянство*. Явное безбожіе и матеріализм (не е Бога, только матерія [вещество]). Пожадає державу, школу, жизнь без Бога. Он есть гробаром християнства, знищителем свободы, фамиліи и чесных обычаев; он есть диктатура, котра кровію и мечем обезпечить свое панованя.

Большевизм на конци е *панования жидовское*. Всѣ голови урядники большевиков суть жиды. Тродкій, военный министр, в его руках вся армія, называється — *Борнштейн*; Стеклов, найвишій судія: *Нахамкес*; министр внутренних дѣл — *Шрейбер*; найвишій комисар новинок Камков называється: *Кац*; член исполнительного комитету, Володарскій по правдѣ называється — *Коген*; найвышим комисаром для ведення борьбы с контрреволюционерами есть *Мошко Урицкій*; Каменев, член правительства называється: *Розенфелд*. Окресих еще такѣ имена находяться меже проводниками большевизма як: Вайсброт, Хаймович, Янкел Юровский, Штейнберг и подобнѣ. Сесѣ имена явно доказують, что большевизм то не иные, як панования жидов над христіанами.

Большевики обѣцяють царство. Дурнѣ! Большевицкое „пекло“ уже видѣлисме и знаєме из нещастной доли Россіи и Украины, айбо якій то має быти „рай“, то дуже тяжко представляеме собѣ. Из такого царства, де жиды пануютъ, де кровь постоянно льєся, де миллионы умираютъ от голода, де церкви ограбляютъ и слуг Божіих повѣшуютъ, из такого царства мы не просиме. Доста нам наш шизматицкій „рай“, что сготовили для нас наши домашнѣ большевики: Гагатко, Гомичков и их товариши.

— **Бѣгство жидов из совѣтской Россіи.** Бѣгство жидов из совѣтской Россіи становиться с каждым днем все сильнѣшое. Всѣми способами бѣжутъ жиды из Россіи, каждый пароплав идучій в Царгород переполнен жидами, якъ утѣкають из всѣх приставов Россіи. Жиды говорять, что они утѣкають лемлем зато, что страшаться паденія большевицкой влады и наступленя анархіи, в час якой будуть великѣ погромы. Жиды идутъ по большой части в Германію, Палестину и Америку.



## Богач и смерть.

Коло села на полю прилѣжна робота; при одном до поли натерханом возѣ роботники и роботницы обертають ся; робота иде швидко, бо коло них стоять господарь, их пан и приказатель.

Сего чоловѣка кождый ся боить так у хижѣ, як у дворѣ и на полю. Кажуть, что сесь гордый, жестокосердный господарь; коли умерла его жона — котру лиш за еѣ грошѣ засватав — и одной каплѣ слезы не ляв за нею, и котра правѣ зато мусѣла умерти, бо як блага и тиха женщина не могла выдержати собачу жизнь на куріи свого простака-пана.

Люди говорили, что он раз старенького, сѣдоголового священика, кто его в тяжкой хворотѣ нашивив сурово отогнав; слуги и служницы чули, что хврой розяреный от гнѣва ударив с пястю до дошки постели и закричав:

„Иди собѣ с твоим Богом, что ты от него выжебраеш, то я куплю собѣ за мої гроши“.

Сесь господарь мав одинокого сына; коли раз сесь зайшов до него и заявив, что намѣряе оженити ся с одною дуже худобною дѣвчиною, твердо розгнѣвав ся, страшно лаяв и погрозив сына, что выкѣрае его из хижи, як одного остатнього пса. На то сын пошов у город, став вояком, а отец добрѣ знав, что его сын уже никда не вѣрне ся до отцевського дому.

От того часу цѣлком запановала над ним дика ярость. Знав, что по смерти чужій буде сидѣти на его земли; продати свой маєток еще не хотѣв; тадь он сще сильный, здоровий чоловѣк, еще довго може наслаждати ся своим богатством. Правда, что лѣкарь при послѣдній хворотѣ напоминав его:

Рок 1922.

„БЛАГОВІСТНИК“

Сторона 11.

„Уважайте чоловѣче — с сердцем да чо не е зовсѣм въ порядку“.

Айбо ци знае вшитко дохтор; и ци знае оден городскій чоловѣк, яка то радость на полю стояти серед цвѣтучим урожаем и знати, что доки око досягне, то все мое?!

Доки наш господарь на полю межи роботниками над сими размышляючи стояв, от жадного не видѣвшем, несподѣванно пришла смерть.

Никто еѣ не видѣв; слуги и служницѣ были занятѣ своею работою, ни господарь, кто с здоровым, червеным лицем стояв межи ними, строго мѣркуючи на каждого роботника, которых постоянно упоминав и спонуковав. Раз лиш увидить одного слугу, кто — може от работы утомлен — на минуту перестав робити. С лайкою межи зубами скочив до него господарь, вырвав из рук его вилы и сам почав метати снопы на воз. И в собѣ, в своем внутрѣ выкриковав от радости:

„Доктор не қазав правды; менѣ еще далеко до гроба“.

И мече снопы дальше . . . айбо при десятом, дванадцятом снопѣ уже почув, что робота не иде так легко. Сердце клопкае у грудях, як оден швидко біючій клепач . . . мусить на минуту отпочити. Сердито верже виллы и ступ на бок.

Сяде на оден сноп мало отыхнути. Айбо в внутрѣ, в грудях битя того клепача не хоче перестати; и утомленному чоловѣкови почне голова крутити ся.

Чуй! Узвав ся дакто? господар роспозерав ся и не видѣв никого около себе. Однакож дакто шепче ему у уха:

„Господарю, а если бы'сь тепер умер?“

„Айбо я не хочу умерти“, каже як бы собѣ господарь, и потрясе головою; и слухае ци бїє еще так швидко сердце его. А сердце еще все бїє, еще лѣпше и швидше як переже.

И голос той тайный еще раз позвѣдае:

„Если бы тобѣ тепер умерти, быв бы ты готов?“

„Дай менѣ покой — каже господарь — Я еще маю час умерти, иди собѣ и лиши мене.“

„Нѣт, я не иду — каже голос — и звѣдаю тя еще раз, ци готов ты на смерть? Ци удѣта твоя душа — ступити зараз перед Божій суд, знаеш, як приходить — в бѣлу одежду?“

„Лиши мене и дай ми покой — каже господарь еще раз и хоче ся подняти и пойти дальше. И тогда увидить, что тот

слуга еще все там стоить и не робить. Знов залає и с гиѣвом прискочить до него и не утамить, что поколибає ся, як оден пияный. Еще раз вырве из рук слуги вилы и задѣ в найблизше лежачїй сноп. Подоймс высоко першїй, а пак другїй . . . но нараз хопить ся руками за лице, як бы розорвати хотѣв заслону, что ктось верг на сго голову . . . потом нагло провалить ся на землю . . .

Слуги и служници с великим криком скочать до него, студеною водою поливають его голову. Но он потрясе головою, с руками двигне отганяючи, як бы казав:

„Менъ уже не поможе нич, а то, что там на другом свѣтѣ на мене чекае, вы то не можете обмыти“.

И потом помало простяг ся на голої землѣ . . .

А смерть пошла дальше за новыми жертвами.

— — — — —  
Як то казав Христос в св. Евангелію?

Беззмнїй въ сію ноірь д8ш8 твою истаж8тъ отъ тебе; а іаже суготовалъ еси ком8 в3д8тъ. Такш соридалъ севѣ, а не въ Бога богатѣа. (Лѣк. 12, 20. 21).

— — — — —

## До Пресвятой Маріи.

Написав: Тарас Шевченко.

Все упованіе мое  
На Тебе, мой пресвѣтлый раю,  
На милосердіе твое, —  
Все упованіе мое  
На тебе, Мати, возлагаю,  
Святая сило всіх святих,  
Пренепорочная, благая!

Молю ся, плачу и рыдаю:  
Воззри, Пречистая на них,  
Оттых окраденно, слѣпых  
Невольников; подай им силу  
Твоего мученика Сына,  
Щтоб крест — кайданы донесли  
До самого, самого краю!

Рок 1922.

„БЛАГОВѢСНИК“

Сторона 13.

Достойно-пѣтая! Благаю,  
Царице неба и земли!  
Воньми их стону и пошли  
Благій конець, о всеблагая!  
  
А я, незлобный, воспою,  
Як процвѣтуть убогѣ села,  
Псалмам и тихим и веселым  
Святую доленьку твою.  
  
А нынѣ — плач и скорб и слезы  
Души убогой убогій  
Остатню зенту подаю.

---

## НОВОСТИ.

---

— Св. Николай архієпископ Мир-Ликійских чудотворець. (До заголовного образа). Народився около року 272 по Рожд. Хр. в мѣстѣ Патаря, которое находилося в Малой Азії. Быв он сыном-одиноком богатых родителей, котрѣ своего сына старалися воспитати строго посля закона Божого.

Ставши священником, старався св. Николай о всѣ чесноти котрѣ украшують чоловѣка. Житя его было невинное, мыслѣ всегда чистѣ, рука милосердна, а серце на скрözь перенятое любовію. Одним словом быв то ангел в людском тѣлѣ. По смерти своих родителей, роздав лишеный ними маєток худобным.

Коли став архипастыром в Мирѣ, еще лѣпше старався быти взорцем всѣх чеснот. Двери его дома были всегда отворенї для всѣх бѣдных, калѣк, вдовиць, сирот и в загалѣ для особ, котрѣ потребовали порады и помочи.

Святый Николай выславився и яко хоробрый борець христіянской вѣри; на Никейском соборѣ остро выступив против Арія, кто осмѣлився отрицати божество Сына Божого, Іисуса Христа.

В животѣ св. Николая найдемe такѣ событія, такѣ чесноты, такѣ подѣї, котрѣ здѣлаютъ его одним из найбoльших святых христіянско-каѳолическої Церкви. Зато не дивно, что так на Востоцѣ, як Западѣ славное и преславленное имя его ме же христіянскими людьми.

Умер 342-го года в Мирѣ. Коли на концѣ XI-го столѣття турки приблизилися к городу Мир, побожнѣ христіяне взяли мощи его и г. 1096 перенесли в Италію в город Барі. В сем супроводѣ и рускѣ христіяни брали участь, котрѣ тогды еще не оторвали связи з аностолским престолом; не так греки, котрѣ уж тогды перешли на фотіянску (шизматицку) вѣру и не пошли з мощами в Италію. На память сей подвѣтъ тогдашній папа Урбан II. на 9-го мая постановив праздник „Перенесеніе мощей св. Николая“. Сей праздник греки не пріяли, бо они уже тогды отлучилися от римского отца и еще днесъ не е заведеный у них сей день праздничный; но русины зараз почали святковати (и святкують и днесъ), бо они еще довго не перейшли на шизму и осталися вѣрими сынами наслѣдников св. Петра. Только позднѣйше, коли татаре приневолили руській народ закоренилася меже ними фотіянска шизма.

— **Выименованія.** Его Пресвященство Епископ выименовав приходниками: о. Михаила Мейгеш до Кибряли, и о. Михаила Пинзел новопосвященного священика дочасно до Вел. Лаз.

— **Упокоився.** О. Вартоломей Талапкович, заѣдатель конзист. и парох в Вел. Лази 5-го декабря с. г., 79-го года живота и 50-го душпастырства своего в Бозѣ упокоився. Вѣчная ему память!

— **Освященіе церкви в Бачавѣ.** Торжественное освященіе церкви и звона в Бачавѣ одбылися дня 21-го новембра на храмѣ церкви Архистратига Михаила. Изъ уполномоченія Преосв. Епископа кончив освященіе Высокопреп. и Велможный О. Петр Гебей, протоіерей и генеральный Викарій Епархії Мукачевской, такожде и св. Литургію з дѣй-

ствіем окружного намѣстника о Георгія Лещишина з прочими окружными священниками. Св. проповѣдь сказав о. Гебей каноник, в которой покрѣпив слышателей в вѣрѣ и похвалив жертволовлю, щирость и ревность бачавских вѣрников и передав им Архипастырское благословеніе и найвысшое признаніе. Красоту церкви особливо возвышаютъ новый престол, жертвенник и казательница и новопереробленный иконостас, котра робота хвалить рѣзбаря и золотаря п. Іоанна Чмѣля. Вшытка робота близь сто сорок тысяч кор. kostovala. „Господи благослови люблящыя благолѣпіе дому твоего“.

**Притомный.**

— **Одним кроком ближе.** По окончанію свесвѣтової войны почало ся крѣпкое и все ростущое движеніе в пользу соедине-

Рок 1922.

„БЛАГОВѢСТИК“

Сторона I.

нія церквей. Як из Нью-йорка пише Рускульт в послѣдний час чрезвычайно много сторонников появило ся сей думки в Америцѣ. Постоянно появляють ся статтѣ и держать ся собрація. Зорганизовали постоянное общество, которое має приготовити в Вашингтонѣ держаемый конгрес года 1925.

— **Секуларизованя.** Силвестр Лушиш, бывшій игумен монастыря о. Василіянов в Мал. Березном с дозволеніем протоигумена выступив из чина и подав просьбу Престолу Римскому чтобы як свѣтскій священник мог дале дѣйствовать. Пока справа докончиться, именовало названного правительство епархіи дочасным администратором в Ужок.

— **Священик сторожом моста.** Наслѣдком многочисленных выбухов на желѣзничих мостах в Галичинѣ, Львовское окр. управлениe выдало распоряженіe, чтобы каждое село охраняло желѣзничнѣ мосты в своей окольности. В селѣ Брич польскій сельскій уряд примусив украинского гр. кає. священника стояти на охранѣ моста ночію. Такого случая не было еще ни в одной державѣ. В дѣлѣ переслѣдованія священников теперь большевики мають своих товарищов.

— **Чудесное выздоровленія в Лурдѣ.** В Франції, в городѣ

Лурд, де появилася пресвята Дѣвка Марія посточно слушать ся чудеснѣ выздоровленія. (От 1858 года до 1901 констатировано в 3353 случаях такѣ выздоровленія, котрѣ природным путем не могли ся stati). Найновиційше одна 22 роцна дѣвка Іоганна Молин выздоровила ся в Лурдѣ, о котрой лѣкарѣ еще в фебруарѣ констатировали, что терпить в нелѣчимой хворотѣ хребта. Дѣвка рѣшила пойти до Лурда. Лѣкарѣ напоминали, что для неѣ сей путь легко може быти смертельного выходу. Она однакож пошла, хотя на пути великѣ болѣзни терпѣла. Коли в Лурдѣ по службѣ обход держали с найсв. Евхаристією и пошли при неї — як сама каже — нагло перебывала через цѣлое тѣло студень и неодовго чула что перестанутъ еї тяжкѣ болѣзни. Другого дня вже стала и цѣлком из своей силы ходила. По лѣкарской визитациіи лѣкари заявили: „Сесю велику змѣну, котра причинила великое выздоровленія, произнесла така сила, котра пад силами природы и над наукою людскою стоить“.

— **Кара за грабеж церкви.** Славнѣ лучанскѣ шизматики злов покаранѣ. 11-го новембра ужгородска судова столиця осудила лучанскаго старосту и еще 3 его товарищов за то, что насильно взяли церковнѣ ключи.

В темницѣ ачай догадаються сесъ злодѣи, что VII-а божа заповѣдь: Не укради!

— Видавництво „Добра книжка“ має на складѣ всякѣ церковнѣ книжки, проповѣди, часописы и всякѣ іншѣ творы религійного и свѣтского содержання. Адрес: М. Мох, Львов, улица Содова 4. Замовляти можно и через Благовѣстник.

— Фасцисты суть в Италії котрѣ зорганизувалися збити большевизм, соціализм, анахизм,

и всякое противо-христіянське політичне движеніе. Стоять на основѣ христіянскаго свѣтогляда, и свои христіянскѣ идеї навѣть мечем и кровю готовы перенести. Сie и удалось им в послѣдніх тижднях. Вождих Муссолини став министер президентом Италії и тепер в Италії панують христіяни. В Миланѣ фасцисти вломили ся в друкарню, соціалистичной газеты „Аванти“ и розбили машини и все зарядженя друкарнѣ.

## ПЕРЕПИСКИ РЕДАКЦІИ.

В сем послѣднем номерѣ г. 1922. знов сердечно просиме всѣх тых пренумерантов нашей новинки, котрѣ еще не заслали предплати за год 1922, чим скорше заслати предплатну цѣну. Першое число нового рочника выйде 1-го января, до котрого приложен буде чек для заслання предплати; довжники можуть на сем чеку заслати и на минувшій и на 1923-ій рок предплатну цѣну. „Благовѣстник“ в будучом годѣ вѣрно буде служити интересам нашей отцевской гр.-кат. вѣрѣ и добро нашего нобожного руського народа.

Сесю цѣль достигнути и свою святу задачу сповнити неотмѣнно потребуе чим большу моральну и матеріальну помоч от своих читателей.

РЕДАКЦІЯ.

ІОСИФ БОКШАЙ, руський малярь

предпринимає по умѣренной цѣнѣ всякѣ малярскѣ работы,  
як вымальованія церквей, роспія на припугнѣ кресты и т. д.

Адрес: І. БОКШАЙ, Ужгород, Капитульска ул. 10.